



“I te cherdì con to ennom” dij le Signur.

La ploania d’La Pli tol sò con ligreza te sòa comunité **Andreas Ritsch** y ti fej les miús aodanzas ai geniturs Jan Paul y Patrizia: Idio, la Oma dal Ci y le Sant Patron acompagneii Osc môt con sòa benedisciun y proteziun.



Signur, confermeia sòa empormetüda d’amur önn por l’ater.

La ploania i fej les miús aodanzas de benedisciun y fortüna ai nüc **Veronica Frontull y Matthias Thaler** co se dá adöm tal sacramont dal matrimone en sabeda ai 20 d’otober a La Pli.

- **Sontada dal Consei Pastoral en jöbia ai 18 d’otober:** festa dla racolta, gnissant, rorati y tomp da nadé.
- **Schira Jonila: en domegna ai 14 d’otober** met man l’ativité dla Schira Jonila. Le grup s’encunta ca. vigne chinescdé, la domegna do la gran messa, a perié, pastelné, fà jüc, cianté, balé, ... y ven acompagné da Manuela Rigo, Brigitte Terrabona, Margit Brandlechner y Günther Erlacher.



enformaziuns y termins

Oraziun da Taizé: la proscima oraziun de Taizé ven tignida en vendres ai 19 d’otober ales 20:00 tla capela a Oies. Düc é der bel enviés a tó pert.

Sorvisc ai Jogn: le SaJ envieia ai 16 d’otober ales 20.00 tal zenter dla joneza y dla cultura SaJ.un a La Ila a na sera de formaziun politica por les lites provinziales. Al é na sera d’enformaziun y discusiun con i candidac ladins sön tematices co reverda i mituns y la joneza, desco: Sorvisc ai Jogn, strotöres por la joneza, monn dal laur, fabriché-contribuc, uniuns dal sport, scora de musiga, volontariat, burocrazia y responsabilités tal volontariat, sorvisc zivil, sanité, viabilité... Moderaziun Diego Clara.

Sera de informaziun: le consei de formaziun y la biblioteca „Angelo Trebo“ envieia en jöbia ai 18 d’otober te biblioteca a Al Plan a na sera d’enformaziun con Sepp Kusstatscher sora le tema: Davagn de basa (Grundeinkommen) por düc, en bel sonn o na idea nezesciara por combater la meseria y müdè le sistem sozial?

“Maraties psichiches - can che an perd la ligreza y la creta da vire. Co pói pa vire imparà?” domisdé cun signor Tone Fiung en jöbia ai 18 d’otober ales 15:30 tla stöa da Oies en ocajiun dla incuntada dal grup de aiutoaiüt „Atmosfera“.

Comun de Mareo: al ven lascé alessè che le zenter de reziclaje Ciamaor romagn slüt en dedemesaledema ai 17 d’otober. Emportant: i bossi de spray co á le segno de fù ne va nia sciürés tal cassun dai bossi mo pal ciomont da tosser!

| | | |
|----------------------|--|--------------|
| Döt le bun a: | Ida Elena Pedevilla | * 15.10.1936 |
| | Margarita Maria Pedevilla | * 17.10.1930 |
| | Stefania Trebo Coster, <i>Colfosch</i> | * 17.10.1938 |
| | y a düc chi co á santennom y complesc i agn cöst’edema | |

Impressum: Ploania d’La Pli; redaziun Franz Rigo y Edith Willeit
Comunicaziuns cina le dedemesaledema sera a Franz Rigo: ☎ 0474 500978 o ✉ ploania@gmx.net
Download plata: www.unitepastorala.org



Plata dla Ploania
La Pli de Mareo
 Santa Maria dal Bun Consei

Ploan: Signor Heinrich Perathoner
 E-mail: ploania@gmx.net

Calogna Al Plan: 0474 501006
 Radio de Ploania: 93,00 MhZ



**Beac, chi co é püri dan da Idio;
 deache de d’ei é le regn dal ci. Alleluia.**

📖 Sap 7, 7–11 | Ebr 4, 12–13 | Mc 10, 17–30

Dal Vangelo do San Merch:

Te chel tomp ¹⁷ti n’él salté önn adancuntra a Gejú s’á enjlené jö y l’á damané: Bun maester, ci messi pa fá por davagné la vita eterna? ¹⁸Gejú ti á respognü: Ciodi mo dijeste pa bun? Degügn n’é bun ater co Dio, el su. ¹⁹Tö conescas pö i comandamonc: Te ne desses nia copé, te ne desses nia rumpí le matrimone, te ne desses nia arobé, te ne desses nia dé testimonianza falza, te ne desses nia fraudé, onoreia to pere y töa oma! ²⁰Al ti á respognü: Maester, düc chisc comandamonc ái osservé da jonn ensö. ²¹Danló ti á Gejú ciaré ados, y deach’al ti ore a bun, ti ál dit: Öna na cossa te mancia ciamó: Va y venn ci che t’as, dá i scioldi ai püri y t’aras n tesur tal ci; spo ví y víme do! ²²Mo chel á ciafé la ria canch’al á aldí cösc y é jü con tristezza demez; deach’al á n gran avei. [...]

Oraziun dal de

Periun! Signur, nosc Dio, töa grazia nes vegni adancuntra y nes acompagneii: por ch’i mantignunse töa parora tal cör y ch’i sunse tres arjignes da fá dal ben. Do cösc te periunse por nosc Signur Gejú Crist, to Fi, co é Dio y vir y regneia con te t’unità dal Spirit Sant por düc i secui dai secui. – Amen.

(Lezionar B)



📖 *Letöres dla gran festa dla consacraziun dla dljia:*
Is 53, 2a.3a.10–11 | Ebr 4, 14–16 | Mc 10, 35–45

Edema liturgica dai 14.10. ai 21.10.2018

| | |
|-------------------------|--|
| DOM 14. | 28. domegna ia por l'ann Festa dai Ministronc al met man l'Edema dla Fede dl'Unité pastorala <i>Calist I.Alan</i> |
| 08:30 | gran messa por dōta la ploania <i>oferta por i debojūgns dla ploania</i> |
| 11:30 | funziun dal Bato de Andreas Ritsch |
| → 14:30 | ciūch d'Les Ciases, funziun de benedisciun dla ciampana nea ♫ <i>grup dla Musiga</i> |
| Lön 15. 07:30 | <i>Tarejia de Gejú (d'Avila), Aurelia</i> s.m. a Al Plan |
| Ded 16. 07:30 | <i>Margareta Maria Alacoque, Hedwig da Andechs</i> s.m. por la pêsc s.m. d'aniversar por † Maria Brandlechner ved. Morlang, Miscí s.m. por †† Frena, San Sciomun |
| Dem 17. 18:00 | <i>Ignaze d'Antiochia, Anselmo</i> s.m. a Al Plan |
| Jöb 18. 19:30 | fešta de San Lūca evangelist, Pire da Alcantra s.m. por †† Siegfried (aniversar) y Berta Frontull, Janin s.m. por † Anna Pedevilla, Terza s.m. por †† Leopold y Anna Erhard, Jep Konrater y Tone Trebo |
| Ven 19. 07:10 | <i>Jean de Brébeuf y Isaak Jogues, Paul dla Crusc</i> s.m. a Al Plan |
| Sab 20. 07:30 | fešta dla consacraziun dla dlijia Wendelin, Vitalis, Johanna s.m. por † Maria Willeit, Ansele/Balsan s.m. por † Carlo Erlacher, Craizer s.m. por † Pasquale Winkler, Rara |
| 12:30 | s.m. da noza de Veronica Frontull y Matthias Thaler |
| 18:00 | s.m. <i>prefestia a Al Plan</i> |
| DOM 21. | GRAN FESTA DLA CONSACRAZIUN DLA DLIJIA - Segra de duc domegna dla dlijia universala <i>Ursula y compagnes, Clementina</i> |
| 08:30 | gran messa ciantada solena por dōta la ploania <i>oferta por les miscuns</i> |
| 11:30 | s.m. por i 50 agn de matrimone de Tone Erlacher y Anna Kier |
| <i>ampola:</i> | por la fam. Willeit, Ansele |
| <i>ministronc:</i> | ▶ da doman y domegna: Moses Agreiter y Matteo Willeit ▶ da sera y domegna: Rafael y Cecilia Ellecosta |
| <i>i recordun:</i> | Maria Paolina Brandlechner ved. Morlang + 16.10.2016 Siegfried Frontull + 19.10.2010 Eduard Ellecosta, Ehrenburg + 20.10.2017 |



Tan da encesce zonza de te! (Mc 10, 17–30)

I ponsi do

Al n'é nia n tesur plü gran co Gejú: el é le su co pó fá encontonc chi co chir la derta vita y la derta ligreza.
Vigne cherdada dal Signur é früt de na conescionza personala y de n at d'amur.
Gejú s'aspeta n "poa" lede y deplen.

I preii ensciö

I alzi sö mi edli y ti ciari a tōa vidlada daoreibun co mo damana val' y mostra amur y fidonza: tō mo cherdes.
Le proiet che t'as por me n'é nia massa alt o imposcibil.
Te mo conesces, te sas cares co é mies forzes, te capesces mies deblezes. To dejier é ma chel da fá ch'i sii encontont y da podei mo dé la scincunda plü grana: la vita eterna. Al n'é nia lerch por d'atres cosses tal cōr de chi co dij de sciö a to invit. Fámo lede da ci co é dessorora y n'é por nia. Dámo le coraji da meter mia vita al sorvisc de to Regn. Fá ch'i ne m'an vái nia demez, dalunc da te, con n cōr dla rialōna y posoch, plen de bens mo püre d'amur.



Unité Pastorale Val Badia - Edema dla Fede dai 14 ai 21 d'otober

„Credo, credo, nos cherdun“ | “Mia fede – al prigo?”

domegna ai 14scomenciamont te vigne ploania
lönesc ai 15ales 20:00, a **Corvara** te salf de calogna mesa, torona dal tema: „Mia fede – al prigo !?“ con signor *Ulrich Fistill, Valentin Erlacher, Renate dal Capela y Paola Tasser*
mertesc ai 16ales 20:00, a **Al Plan** te dlijia salms con siur *Iaco Ploner*
jöbia ai 18ales 20:00, a **Badia** tal salf dles uniuns, sera d'informaziun söla crejima con *Markus Felderer y Team*
vendres ai 19ales 20:00, a **La Val** te dlijia, raprezentaziun dla pasciun con l'uniun dal teater y *Cor de dlijia La Val*
sabeda ai 20ales 20:00, a **San Martin** te dlijia, concert dai cors con *i cors de dlijia da San Martin, La lla y Lungiarü y Cor Eres Al Plan*
domegna ai 21conclujun a **Oies**, con prozesciun dles cianderes dales 17:15 da Badia demez *al cianta le Cor Philia*



Oraziun dai “Minis”

Gejú Crist, tō s'as cherdé tla comunité dai cristians.
Canche i s'encuntun te to ennom este tō pa nos.
Y de cōsc te sunse reconoscionc.
Tla Santa Messa orunse Te sorví te y dōta nosta comunité. Iolan che T'es entrês pa nos. Amen.



Oraziun dla Schira Jonila

Signur, tla Schira Jonila sunse na comunité, co oresss vire desche Tō s'as ensinég. Adöm podunse diventé compagns y se divertí. Adöm él ince plü saurí da afronté nūsc pici y gran problems.
Deidesse a tigní adöm y a se capí önn con l'ater. Al ne s'an dess nia ester anfat, desche ara ti va al ater.
I te dijun iolan ch'i podun dé ennant ligreza. Iolan che T'es entrês pa nos. Amen.